



Suliassiissut, katitigaaneralu

Suliassiissut

Tunuliaqutaq

Aalajangeeriaatsinut taaneqartunut naapertuuttumik suliassa qarfiit ersarinnerusumik aalajangersimasut tiguniarlugit, Namminersornermut inatsit naapertorlugu Kalaallit Nunaat aalajangersinnaavoq.

Namminersorlutik Oqartussanit Naalakkersuisut Siulittaasuata Múte B. Egede-p Statsministeriami statsminister Mette Frederiksen nalunaarfigaa, ”Ingerlatseqatigiiffinnut, naatsorsuutitut, kukkunersuiisarnermullu suliassa qarfik”, tak. namminersornermut inatsimmi takussutissaq II, nr. 14, namminersorlutik Oqartussanut tunniunneqassasoq Kalaallit Nunaat aalajangersimasoq. Naalagaaffeqatigiinnermi oqartussaasut isumaqatiginninniarfigineqareernerisigut, namminersornermut inatsisip § 3-ani imm. 2 naapertorlugu ulloq tigusiiffissaq aalajangersarneqassaaq.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik kiisalu Erhvervsministeriaqarfik isumaqatigiipput, ataatsimoorussamik aalajangiinissami tunngavissaq suliariniarlugu.

Siunertaq

Tulliuttoq innersuussutigalugu Kalaallit Nunaanni ingerlatseqatigiiffinnut, naatsorsuutitut, kukkunersuiisarnermullu suliassa qarfimmi inatsisitigut, aqqissuussaanikkut, allaffissornikkut, teknikkikkut aningaasaqarnermullu tunngasunut naammaginartumik nassuiaasumik, misissuinnermi tunuliaqutaasut atiminni suleqatigiissitamit taparserneqarlutik nassuiaasiussapput. Ingerlatseqatigiiffinnut, naatsorsuutitut, kukkunersuiisarnermullu suliassa qarfigimmiktigusinissaq pillugu, tassungalu tunngatillugu pissutsinut assigiinngitsunut Naalakkersuisut Inatsisartullu aalajangiinissaannut nassuiaat tunngavissiissaaq.

Nassuiaat tulliuttunik nassuiaassaaq:

- Suliffeqarfinnik attuumassuteqartunik massakkut nalunaarsuisarneq.
- Missingersuutit, suliat, nakkutiginninneq nakkutilliinerlu, isumalluutit il.il. suliassa qarfinnut attuumassuteqartunut Kalaallit Nunaannut tunngatillugu Erhvervsstyrelsen massakkut sulinera, suliailu.
- Oqartussanik allanik suleqateqarneq.
- Ingerlatseqatigiiffinnut, naatsorsuutitut, kukkunersuiisarnermullu suliassa qarfigimmik tiguserernermi Kalaallit Nunaata Danmarkillu akornanni suleqatigiinnissaq, matumani ilanngullugit:

- Nakkutiginninneq nakkutilliinerlu.
- Assersuutigalugu Global Forum aamma EU eqqarsaatigalugit nunat tamalaat akornanni pisussaaffiit.
- Kalaallit Nunaanni nalunaarsuisarnermi, CVR-illu atuinnaarnerani kinguneqaataasussat kiisalu Danmarkimi (allatigut) nalunaarsueriaatsit eqqarsaatigalugit periarfissani taakkunani marluusuni kinguneqaataasussat, matumani Kalaallit Nunaanni suliffeqarfiit Danmarkimi oqartussanut digitalikkut nalunaaruteqartarnissaannut periarfissaat ilanngullugit misissuineq nassuiaasiornerlu.
- Tigusinermi kinguneqaataasussanik nalilersuineq (matumani tiguserup kingunerisaanik inuiaqatigiit aningaasaqarnerinut kinguneqaataasussat, ingerlatsinermi aningaasaqarnerup naliliiffigineqarnissaa kiisalu inatsisinik allanik allannguisariaqarneq ilanngullugit).
- Tigusinissaq sioqqullugu inatsisup nutarterneqartariaqarneranik misissuineq nassuiaasiornerlu.
- Tigusisoqassappat tigusinissamut piffissaliussaq.
- Ilaatigut inatsisitigut, digitaliseeriinikkullu kingunissai allaatigalugit tigusinissamut periusissanik siunnersuut.

Suliassaqarfinni malittarisassat massakkut atuuttut nassuiaammi aamma takussusiorneqassapput.

Misissuinermi tunuliaqutaasut, suleqatigiissitalu katitigaanerat

Namminersorlutik Oqartussanit Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik kiisalu Aningaasaqarnermut Akileraartanermullu Naalakkersuisoqarfik kiisalu Danmarkimit Erhvervsministeriaqarfik kiisalu Erhvervsstyrelsi misissuinermi tunuliaqutaasuni sinnisuutitaqassapput. Naalakkersuisut Siulittaasuata Naalakkersuisoqarfia, Kalaallit Nunaanni naalakkersuisoqarfiit allat susasaqartullu attuumassuteqartut, Statsministeriaqarfik, Finansministeriaqarfik, Justitsministeriaqarfik, Finanstillsynilu pisariaqartitsineq naapertorlugu akuutinneqassapput.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik qanimut suleqatigalugu misissuinermi tunuliaqutaasunut siulittaasoqarfik Erhvervsstyrelsip isumagissavaa. Erhvervsstyrelsi allatseqarfik isumagissavaa.

Suliassat annertussusissaat, suliassallu misissuinermi tunuliaqutaasut aalajangiiffisassavaat, ataanilu suleqatigiissitaasup suliassat suliarineqarnissaat isumagisarissallugu. Suleqatigiissitaq pingaartumik Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfinnit Erhvervsstyrelsimiillu inuttaqassaaq.

Inaarutaasumik nassuiaatip kalaallisut nutserneqarnissaa Namminersorlutik Oqartussat isumagissavaat.

Piffissaliussaq, ataatsimiittarnissallu

Nassuiaat 2025-mi januaarip aallaqqaataani naammassiniarneqassaaq. Suliassat, taakkualu suliarineqarnissaat pillugu ataatsimoortumik takussutissiassaq suliarineqareerpat, inaarutaasumik piffissaliussassaq aalajangerneqassaaq.

Suliap siuariartornissaa qulakkeerumallugu, misissuinermi tunuliaqutaasut qaammatit pingasukkaarlugit ataasiarlutik naapittassasut naatsorsuutigineqarpoq. Suleqatigiissitaq qaammammut ataasiarluni, pisariaqartitsinerlu naapertorlugu naapittassapput. Ataatsimiinnerit pingaarnertut videokkut ingerlanneqartassapput.

Ingerlatseqatigiiffinnut, naatsorsuutitut, kukkunersiuisarnermullu suliassa qarfiup tiguneqarnissaa pillugu Kalaallit Nunaanni aalajangiisoqarnissaa siunertaralugu, nassuiaat inaarutaasoq Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisumut erhvervsministerimullu tunniunneqassaaq.